



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 八五

文喜堂詩集十六卷 趙作舟撰

一

天延閣刪後詩十五卷附唱和詩三卷天延閣後集十一卷

附贈言集四卷 梅 清撰

二三七

瞿山詩略三十三卷首一卷 梅 清撰

五二七

文喜堂詩集序

蓋自我

朝稽古右文以經藝取士而嶽崎卓犖負奇才者多繩束跼踖於舉業此外則無暇及焉迨其得文章之力躡青雲歷顯階而遇物多不能名或有時僚佐賓朋讌游登覽亦唯寄情麴蘖流連光景不能托興於風騷若是者往往然也而浮山先生則不若是先生舉甲午鄉闈第一人

序

世祖章皇帝閱闈墨屢加歎賞於是負盛名於都下及由進士入詞館海內士大夫知先生制藝超軼時流不知先生工於有韻之言也先生亦雅自韜晦不以詩自豪至年近桑榆囊藏嚙嚙猶復不輕於問世先生

歿後黔中門士王君名標刻其集行世越百餘年散軼零落卷幟無存裔孫銘彝作宰修武搜輯遺藁擬重付梓人觀與修武君生同梓里以文章道義相切摩讀先生詩爲之俯首不翅鄉先達猶在今時得見衣冠杖履於枌榆社中也先生詩格甚高不尚塗飾而一以深情至性鏤鑄偉詞故

序

二

寢寢入於古厚然造物予才不予以命少年抱鵠原之戚有弟名作雨者殉邑難賊平後鳴之於官官惕憚少決斷待質五年窮愁潦倒而弟冤始雪讀歷下諸詩痕浹入墨痕令人悚然念手足之情國子性命及讀書中秘回翔木天聲振業業若彌遠而古性陵嶒不諧於臺閣大夫

翰林改官農部既又改官比部非意之所
恆也詩境至此又爲之一變比部爲執法
之地人以爲讀書萬卷不讀律將攻所短
而擠排之先生不移情以就法致涉冤抑
案有疑竇燭照如神於是大司寇以明允
無私列京察異等擢辰沅觀察遷沅苗疆
也撫馭尚蠻濟威以恩部下視若慈母

序

三

又以不諧於中丞以下考去位讀湘芷集
于役集可想見當時意興之蕭索矣館山
翁作先生墓志謂名浮於命位不稱才自
是不刊之定論顧予陋識以爲位之尊卑
由於命之通塞雖長才大略不能與造物
爭衡而名者存乎己者也造物能厄人以
軼軻不能奪人之聲譽如吾鄉宋蕩寰先

生以族子告密羈縲縲王西樵先生中
妻非之言羅織囹圄其艱危險阻佗僚無
聊有數倍於先生者今其文章之光燄猶
驚爆於藝林也其端人正士之名猶焜耀
於天壤也是造物以偃蹇挫折老其才使
邃其涵養之功卒得身爲完人芳流奕禩
夫亦何怨何尤哉修武君曰唯唯請卽以

序

四

是敘先大夫遺稟先大夫有餘幸矣乃不
辭謬妄而爲之序

道光元年春正月廂邱後學劉大觀譔



不喜堂詩集序

國初諸老以詩名震耀海岱開相望千百里內者浮山先生年先矣蓋漁洋尙書少先生十一歲先生發解之明年漁洋已中會試而先生中會試在其後二十五年山蘊侍郎少先生十歲先生中會試在其後二十二年而山蘊弟鹿開與先生同年庶常館山翁少先生三十九歲亦爲同年庶

序

一

常惟荔裳先生長於先生九歲先生中會試在其後三十二年荔裳卒七年矣後二十二年先生卒易齋相國長於先生十五歲先先生四年卒念東侍郎長於先生十八歲先先生五年卒要之此皆同時人而六七家之詩皆及身流傳海內稟仰惟浮山先生歿已百有餘年其詩集猶未盛傳於世何哉豈以文章雄伯掩其詩名乎將

以詩格甚高不尙塗飾故時人鮮能好之乎豈其蒿目蒼生感慨悲歌有關詩史者未足稱傳而或有摹擬聲調鍛鍊字句效人爲之者乃可傳乎此亦藝林缺事有待後人之論定者惜余淺識未能深論之也先生詩稿甚富而當時未有槩木其裔孫鳳崖大令世繼風雅著作滿家年來讀禮山中因校訂家集擬付開雕不鄙謂余屬

序

二

爲序言余得快讀先生詩甚喜而聞作序之命甚愁蓋余樸拙不能詩舊來不爲人作詩序雖欲強勉而下筆不知所云遷延久之不敢作也鳳崖問余曰先生不爲人序詩豈有說乎余答曰雖然有之余嘗好讀古詩不好自作詩爲曠日廢事多也紙窗移晷之晨短檠吐花之夕吟成五字足以熟諷一篇而又詒癡千言不及古雋一


句用以移我情悅我性則三百五篇十九
首及古今名家之作莫非我有也滿握皆
靈蛇之寶何用敝帚千金爲余所以不作
詩也既不作詩卽不能深知作者之甘苦
與其宗派之源流而爲人作序必且拾人
緒餘蠕動其喙言之者欲少味而聞之者
應且憎也余所以不作詩序也鳳崖曰不
然夫序者序所爲作之意也作者之得意
序

三

未易知而其哀樂之感可知也若好讀古
詩則古人之哀樂日往來於我懷抱之中
而又不自作詩則必能無所偏主平情淡
賞不墜詩家分門標榜之陋習必能知作
者之得意如是則可作詩序者宜莫如好
讀古詩而不自作詩者然而不作詩序
也余遭駁難口噤舌捫不虞見困一笑而
不能答乃幡然改舊來之意而忽然忘下

筆之難也於是乎言

道光甲申十二月之吉日後學棲霞牟庭
頓首拜撰



序

四

凡例

一原稿共分十六集近體古體不下二千餘首黔陽王仲樞先生以康熙丁卯鄉試出先六世祖門下曾經手訂先高祖澧州公謹爲編次較原稿約裁三之一意當脫稿時有不甚滿意之章故自爲芟刈而仲樞先生遂因是彙輯之也是集重刊自當謹依舊數但先人手澤多存一紙卽多承一訓故復質之纂訂諸公於舊所載去謹爲增刊數百首以誌原稿之不止於是非敢妄自損益也

文喜堂詩集

凡例

一

一是集經王仲樞先生刊定後歷百餘年板片漫漶先王父抑菴公先君獻軒公卽擬重梓因窘於需用費志以屢常以是命彝等後當補所未逮遺囑諄諄言猶在耳用是謹誌以明淵源之有自云

一原稿分十六集於每集目下各繫以年並將詩數及各年事蹟謹爲彙明附註惟原稿集下之戊申已酉二年一詩不存爲先七世祖妣守制也而先七世祖歿於康熙壬寅之三月故敝裘集之壬寅癸卯二年存詩止十一首且盡屬哀毀憂思之作

恐閱者以闕失致疑故此謹識

一是集原稿舊有馮易齋相國李渭清鴻博金會公檢討手加圈點後復有劉松嵐觀察郝蘭皋農部圈點評釋然各就意見選擇未能全稿無遺故去之以免掛漏之弊且是集重刊存先澤非選詩也

圈點似可不用

一集中惟敝裘原稿二集爲先六世祖自序若王豐功明府專序原稿也金會公檢討序使黔也劉松嵐觀察率陷人學博則全集總序也或弁於全集

文喜堂詩集

凡例

二

之端或繫於各集之上敘次無容紊亂其各集原無序者姑闕之不敢妄贅

一集中酬唱諸公其爲鄉先輩鄉會闡師以及執贊出門下者姓字爵里原注仍爲謹存茲復添註若干其尙有闕遺者容俟攷據詳明再爲續補

一集中諸公酬唱每不一見姓字爵里自當於題之初見處詳爲註明但經採訪後或得之遠方郵寄或得之郡邑誌書以及親友口授時正開雕隨得隨續故不無前後凌躐之弊閱者諒之

一先六世祖中康熙己未進士官庶常其時館課詩

甚夥自宜案定年譜附之集中但原集不載故未

敢擅入謹登家學編以誌不忘

一原稿十六集外更有拾埵草一集先六世祖自序

也不紀年譜且詩已散軼零落謹將序文附存集

後容俟蒐羅得之再為續刊

六世孫銘彝謹識

文喜堂詩集

凡例

三

文喜堂詩集

大嵩趙作舟浮山著

六世孫銘彝校栞

原本校閱姓氏

法黃石方伯若真

順治丙戌進士

馮易齋相國溥

順治丁亥進士

王阮亭司寇士正

順治乙未進士

李望石司馬贊元

順治乙未進士

韓慕廬宗伯葵

康熙癸丑狀元

文喜堂詩集

校閱姓氏

一

潘雪石編修應賓

康熙己未進士

李渭清侍讀溶中

康熙己未鴻博

高北海明府汝樟

康熙丙戌進士

方靈阜少宰苞

康熙丙戌進士

王易菴農部坦

康熙丙戌進士

王寶文觀察雲銘

雍正丁未進士

鞠梧浦學使愷

乾隆壬申進士

周尹臺明府珉

乾隆辛巳進士

方詡菴方伯昂

乾隆辛卯進士

劉松崖觀察大親

乾隆己酉選拔

王蓮府宗伯宗諒

乾隆庚戌探花

程梓庭中丞祖洛

嘉慶己未進士

郝蘭皋農部懿行

嘉慶己未進士

受業諸子校訂

王仲樞

澧

康熙丁丑進士

盛九苞學博世鳴

康熙辛酉經魁

榮令甫學博憲

康熙辛酉舉人

任萊峯侍御坪

康熙辛未進士

文喜堂詩集 校閱姓氏

二

張嶽菴明府需請

康熙己丑進士

家又樞學博南瑞

康熙丁卯舉人

周漁璣官詹起渭

康熙甲辰進士

李鑑湖

本激

雍正癸卯舉人

文喜堂詩集目錄

飲裘集卷一

辛丑詩 五十一首

壬寅詩 七首

癸卯詩 二首

原鶴集上卷二

癸卯詩 又二首

甲辰詩 六十五首

原鶴集下卷三

文喜堂詩集 目錄

乙巳詩 五十九首

丙午詩 四十首

丁未詩 四十六首

戊申己酉二年守制無詩

二瞻集卷四

庚戌詩 六十三首

辛亥詩 十一首

壬子詩 六十首

癸丑詩 八首

甲寅乙卯詩三十六首

丙辰詩 十七首

東原集卷五

丙辰詩 又六十四首

丁巳詩 十二首

戊午詩 四十六首

彙征集卷六

己未詩 五十五首

庚申詩 二十五首

文喜堂詩集

目錄

二

辛酉詩 四十七首

三山集卷七

壬戌詩 一百五十九首

濯纓集上卷八

癸亥詩 八十六首

甲子詩 三十一首

濯纓集下卷九

乙丑詩 八十四首

丙寅詩 七十九首

丁卯詩 十首

使黔草上卷十

丁卯詩 又一百四十八首

使黔草下卷十一

丁卯詩 又三十八首

戊辰詩 七十三首

含香集卷十二

戊辰詩 又十五首

己巳詩 四十九首

文喜堂詩集

目錄

三

湘芷集上卷十三

庚午詩 七十八首

湘芷集下卷十四

辛未詩 一百五十九首

于役集上卷十五

壬申詩 一百四十首

于役集下卷十六

壬申詩 四十首

癸酉詩 十三首

甲戌詩十三首

共計詩一千九百三十一首

文喜堂詩集

目錄

四

敬裴草自序

科第之貴自前朝久矣雖有身材偉抱不由此途以進則仕流賤之國之人莫知之鬱鬱不得展其奇者多有三百年來吾嵩未有一遇者也海上人文寥寥自王父以射策起家老博一官越中行方志潔致書數百卷投閒歸來貧益甚年七十餘日下帷進農家子談經課藝而後乃今知讀書爲博士者踵起矣家君從游越時方弱冠因得探禹穴之奇從其間名公鉅儒結社搽觚咸相推重天啟間楚中梅長公先生來督學雅自高不妄

文喜堂詩集

卷之一

敬裴草序

一

許人獨器異家君拔置殊等一時首取士無不登科第者而家君獨數奇先生深爲惜焉會

覃恩選材卽以貢入京師

廷對以格爲別駕猶未肯遽就官也既屢不得志於北闕月乞長安米又以家貧親老無可奈何始就晉寧去時流冠橫晉中日督餉從軍八閩月而先祖棄世矣家君直道而行進無許史之援退乏金張之托朝去官而夕落籍也是時舟始數歲不知書松菊半荒藏帙略亦散失家君掇拾笥存朝夕庭課之每見里中佳子弟貧

不能致善讀者延師啟篋孜孜誨之不倦蓋自舟結髮

歷下屢矣迄未得一當辛卯秋復爾鍛羽竊意門祚衰

薄兩世以來竟如此也閉戶寡游羅雀相和門無車馬

架有琴書居徒四壁立分陰可惜春華幾何誰非人情

能無慨息况復椿萱日邁雀鼠多艱鄉里虛有善人之

名浮沉難免獨醒之忌趨庭相慰義命可安甚至陽為

歡笑而陰作扼腕若恐傷弱子之心者舟滋汗背矣既

不獲芥拾青紫高我門閭又不獲博升斗之奉供親饋

文喜堂詩集

卷之一

敬裴草序

二

粥而取榮名厚實以為宗族交遊光寵此仲由有負米

之歎季子為富貴之嗟也行歌獨嘯情見乎辭共得若

千首題曰敬裴草亦猶未免世俗之見也云爾

順治十八年辛丑十二月東海趙作舟浮山氏自序

文喜堂詩集卷之一

大嵩趙作舟浮山著

六世孫銘彝編次

敬裴集

辛丑詩五十五首

時年二十九歲按是年秋于逆之黨徐海門寇大嵩十一月

先六世五叔祖祁公公遇害

辛丑春初燕邸作

壯詞無俗覽

鼎湖龍去遺弓在春色陰陰遠鳳樓待詔猶然金馬

客典衣無那黑貂裘雙閣語笑天涯夢二月風沙薊北

愁矯首夕陽笳吹發燕雲形勝古神州

文喜堂詩集

卷之一

敬裴集

一

鉅野姚東厓持其尊君年伯祀鄉賢錄敬賦書後

按姚東厓名應德臨陽諸鉅野人順治甲午舉人華陽縣令等

天地有不朽非與春華零大野瑤嶽立瞻彼泰山青年

祀歷綿遠遺蹟垂光靈經衍傳孔壁賈重宜漢廷進不

施廊廟鐸聲玉玲瓏康成多高足驛麗邁辰星樹人百

年計著書千古銘況乃彥方里公論至今聽永言思孝

友朝典肅家庭淵源一何長鶴鳴振修翎君子崇令德

裕後彌芳馨直道在人心遐想無時停俎豆九宮墻壘

秀兼典型側聞述懿軌仰止中廻紫

司史大生王惠疇酒家

按惠疇名汝翼崇禎壬午舉人河南魯山知縣

計而求

市悲歌自我徒相要日日酒家壚畫樓乘興催簫鼓

滄海歸思入鷺鷥寶馬香車俠少過清樽玉屑客愁無
風塵遊滄渾聞事疎懶何心賦雨都

惠疇兄留京揀選予亦思乞一教並以親衰我尤

家冷賦此志懷

未向滄溟理釣磯共君京洛且相依一官誰倒中郎屣
五斗兼須夢子衣先後時名多宦達古今詞客總知希
高堂喜懼予尤甚位也爲貧漫是非

文喜堂詩集

卷之一 敬業集

二

長安喜過君符兄

吾宗燕趙古風存劍氣因人握手論海內弟兄傳白壁
年來辭賦老金門帝城已滿春雲樹易酒常携蘆水
園歸路滄洲從歷下何辭十日倒清樽

通州贈張渭璜計部

按渭璜字異木名我鼎東昌府清平縣人甲午乙未聯捷

留滯心期在孤山感慨中幾年雙鬢改信宿一樽同不
厭貂裘微猶餓倉雀空館餐真切意獨有古人風

李望石侍御督淮離至京

按望石名贊元字簡人順治乙未進士官侍御

多使邦江衣繡同相招苦憶折寒梅獨標談骨名元

文喜堂詩集

共御龍門誰後來鹽筴允資金粟計冰心應傍玉壺間
銜杯坐對西山爽握手爲憐作賦才

送史太生歸魏縣

把酒與君望落暉客中送客雨沾衣驪歌纔作紅塵起
人影遙看黃鳥飛到日漳河烟色滿別時魏闕雁書
稀歸思吾亦行裝發並後爰星在少微

自嘲

客愁忽已換春衣幾度思歸復怕歸試看新來雙燕子
翩翩似欲傍人飛

文喜堂詩集

卷之一 敬業集

三

報國寺松

梵宮之建今幾世京都第一稱壯麗獨有諸松最老絕
蒼鬱株株多奇勢看之不足骨性殊對酒呼朋共遊憩
仰者參天偃卧雲拳曲盤斜各不羣或如龍蟠舒鱗爪
又如虎攫攖斑文傲岸不受欺風雪高節何曾撓塵紛
舊來誰氏手初把今日市人頻繫馬稜嶒未爲世所惜
假蹇亦見知音寡悠悠過眼歷歲年持我杯中與一甌
夏夜宿李侍御宅予將卜歸

青簫琅玕暑亦輕談深午夜道心清移來襖被娟娟地

一一

飲罷冰漿款款情幾歲纔逢河朔會何人還念鷺鷥盟
倚門若憶晨昏切親老於今賴友生

秋夕

西風搖落暮笳哀獨立蒼茫萬感來明月自新顏易改
浮雲不斷意全灰空窈窕元龍性何有長楊吐鳳才
我欲買山無善策坐看秋色一街盃

飲徐鳴九寒食河劉雲子汪僑若家壽椿弟祁公

賦得寒字

按鳴九名鶴康熙丙辰歲貢金鄉訓導雲子名胤桂壽光人順治乙未進士大尚書授僑若名憲順治癸巳歲貢陝西富平知縣壽椿名大年康熙戊午歲貢嶧縣教

文喜堂詩集

卷之一

敬表集

四

論

暇即招相過何辭卜夜款解醒還是酒吹氣可如蘭明
月珠堪借蒼葭露已寒荒城吾黨在天地日應寬

秋日東莊晚歸即事二首

空天野色催黃落細逕松陰轉白芎谷口騎穿林數引
初入而高津村墟行逐鳥為曹蒼山日暮歸雲亂畫草秋深覓路勞
嶼色遙看寥闊意晚來風勢起驚濤

其二

欲把濁醪醉不歸蕭條生事致相違驚聞塞雁秋將

野句擬後極目山城潮作圍傍海豆場兵馬放下鄉租吏時雞肥
手之作砧聲正急前村裏黃葉風寒自上衣

同人再邀與劉雲子觀獵望石山日入詠歸矚目

潮勢賦得潮字

長松繫馬坐扶搖遊屐重來破沈寥人影亂山驚逐兔
林柯拂翼起空鵬朝經霜樹紅凌日暮接寒雲紫蒲潮
此際酒闌興不極臨風還欲奪龍標

劉雲子招賞菊

來從南郭望無涯轉向東籬好事家歸客一秋生白髮
漸近自然

文喜堂詩集

卷之一

敬表集

五

予自京歸共君幾歲看黃花海濱宦迹寒朝雨半天半林聲響
暮笳最切主人投轄與十千沽酒不妨賒

兵事三首

使者騰驤風雨馳更聞開府自行師折衝應有樽前俎
大將俄應閫外旗窮寇已知成困獸溫言原止用如絲
非合著跳梁所在無安堵急請長纓且奏遲
此正陳味之句

其二

十年濱海閒成障枹鼓驚聞忽復然虎節疾如天上落
羽書飛自夜中傳綠林白馬鋒方起短劍長弓勢不前
寫官軍迅捷在上下

霜月當城吹角發幾時能一掃烽烟

其三

近傳節鉞駐萊城又報旌旗膠水行千騎合圍方捲甲

一夫轉戰竟長鯨招來此日非前日嘯聚新營異舊營

欲挽高才難借箸憂深禦寇匪無兵

來筆青見過

按青名鍾慶順治戊子歲貢濮州訓導

相逢何不放鬆眉高以衙門定有誰四座動商租稅事
幾年又見亂離時雨來寒色山城暗風起秋聲夜柝悲
此際但聞莫漫過與君把酒共敲碁

文喜堂詩集

卷之一

傲菴集

六

姜六非表弟携眷還里道得家音却寄

按六非萊陽學廩生

欲留海上難安枕去矣山中未息戈我有老親惟共守
汝爲避地可如何鄉園書寄寧居少家累身隨亂日多
報道弄兵心轉熾霜嚴三尺正催科

亂中喜得姜六非字

汝歸不數日消息忽難真旁午紛來檄呼庚正此晨

城悲戍角百里絕行人喜得平安字驚心憶震隣

夜宿城頭

五更鼓角滿城頭劍氣霜寒月照樓夜火連天急

枕戈孤堞此同舟聲悲中野飛鴻鴈吹入征笳走馬牛
營寧自應長策在可容磨盾一深謀

城樓宿夜四首

落日下烟嵐微霜拂劍鐔戍樓更正永穢被夢難甘戰
撫寧無策封疆孰可擔坐令烏合者倡亂視耽耽

其二

使君昔苦戰滅此誓朝餐養寇方餘禍擁師各自封到
今勞插羽只有戒乘墉玉石憂烽火兵殘瑣尾蹤

其三

文喜堂詩集

卷之一

傲菴集

七

興戈忽不意鼓勇豈云艱輕棄先嘗敵倉皇遽逆顏散
軍皆按甲連寇續歸山莫妄驚風鶴王師不日閒

其四

孤城朔氣動吹角月輪高幕府今何處干城竟我曹
中思賄壑霜裏試投醪租吏來方怒長吟古石壕

精神溢出紙背四首真杜陵高調

同守者校射

潢池何日靖寥落此城孤村井皆無聚干戈
軍試騎射飛檄下兵符壯氣鵬弓發弦鳴

得雨鎮岷師報

負國鋒先銳將軍力不微連雞一漫逼犄角散何歸郡
邑咽喉梗衽行士馬肥朝廷推轂重誰與賦無來

懷宋大塗兄弟按大塗名似萊陽人順治乙未歲貢

消息真疑誤難知百里間故家那免辱別淚屢為潸清
議當猶在空囊定苦艱蒼親驚悸狀休廢舞衣斑

秋感

東牟渤海接長城列戍新加上將營碣石貢車來北極
扶桑出日望前旌司農大計惟籌稅獄吏多方盡用兵

文喜堂詩集

卷之一

散裴集

八

聞道鵬冠競右武封侯原不重書生

其二

滇池天末攬戈船諸將長驅迴息烟亦有珊瑚堪作對

倚詞兼致

方知璫瑁可當筵越人尙待長纓繫漢詔休憂滅賦年

征馬不時瓜數代軍需急爲供流泉

悲壯淋漓

其三

帝業經營力不勞遺弓龍去墮烏號歌風猛士原從沛

治安原無用

二句連讀

負展洪圖已莫驚賈傅治安當絳灌漢家清淨在蕭曹

不覺吐出

太平自古無多事舊典頻更劍未韜

其四

門外高軒寂不遇生涯歲月任蹉跎試看白馬清流日
已變潛田碧海波鴈度霜天秋色遠雲間山樹夕陽多

真悲壯

請收眼底窮途淚且拔樽前長斂歌

氣悲却易得蒼而俊

其五

蓬萊直北對之罘紅日遙吞滄海流秦帝久無垂刺石
漢皇曾此幸仙舟空餘白鷺烟波氣不盡青山草樹愁
望入長空千萬里笳聲天畔一登樓

其六

文喜堂詩集

卷之一

散裴集

九

溯懷渺渺與誰同秋陰落本風悉索金錢傳日下

以景和貼

竭來鐵甲振天東荒涼照依微紫寒葉迎霜寂寞紅

葭露相看時已暮伊人宛在海雲中

其七

世路朱絃調已非閨閣十畝日應稀抽簪或作邱園想

退似非

避俗尤驚鳥雀機壁但餘中聖酒百年能幾老萊衣

欲資生事無并術體道中藏正肥

悲壯

其八

大江南北盛兵防日見歸旗款享王漕輓半資御雨土